

元始无量度人上品妙經卷之二

玉宸大道品

道言昔於始青天中大浮黎土受元始度人无量上品元始天尊初降清微示現珠璫納無鞅眾天真大神上聖高尊妙行真人俱入珠中以无量度人靈寶上品之法眾真監度以授於我當此之時喜慶難言法事粗悉諸天復位卽於開皇五劫之初玄龍昇度天關之時再降太丹流爛之天洞陽凝暉玉玄赤境度人萬億以玉宸大道付授於我元始天尊當說是經周迴十過以召十方始當詣座天真大神上聖高尊妙行真人玉宸大道元師仙君太極帝真飛華九靈禹餘天帝紫霞丈人無鞅數

道藏輯要

度人妙經

六

角集一

眾乘空而來玉虛流煙三景煥彩碧輪寶輿羽輶絳蓋神錦鳳羅玄明蔭几洞空合回神晶交炳九氣揚霞三房旋耀天廓地甯碧落凝真飈靈散景迴風混合帝一監生圓羅灌氣飛動入門日珠含秀月璧泣波靈綱鬱霽徧周化境元始天尊玄坐空浮玉文寶臺之上說經一徧玉宸大聖同時稱善是時一國男女徹聽十方無有滯礙說經二徧周視无極徹然洞觀說經三徧語音清妙化度方來說經四徧一神應萬萬神合真說經五徧三界種民念往卽至神行無迹說經六徧指按二儀倏忽周徧說經七徧永斷生滅億劫長存說經八徧道海呈祥玄山發瑞說經九徧形鍊爲氣氣鍊爲神說經十徧自然至真玉宸證

道十方三界俱獲超昇是時一國是男是女莫不同心無有彼此咸得長生

道言是時元始天尊說經一徧東方玉宸大道自然大神無鞅之眾浮空而至說經二徧南方玉宸大道自然大神無鞅之眾浮空而至說經三徧西方玉宸大道自然大神無鞅之眾浮空而至說經四徧北方玉宸大道自然大神無鞅之眾浮空而至說經五徧東北玉宸大道自然大神無鞅之眾浮空而至說經六徧東南玉宸大道自然大神無鞅之眾浮空而至說經七徧西南玉宸大道自然大神無鞅之眾浮空而至說經八徧西北玉宸大道自然大神無鞅之眾浮空而至說經九徧上方玉宸

道藏輯要

度人妙經

九

角集一
××××

大道自然大神無鞅之眾浮空而至說經十徧下方玉宸大道自然大神無鞅之眾浮空而至十徧周竟十方無極天真自然大神一時同至一國男女同心歸仰來者有如屯雲積霧不可稱計周徧一國四合浮虛非可禁止於是元始攝指飛光微如炯星暉耀九色亭立空玄照徹上下去土十仞洞表見裏此十方境宛同琉璃混然一色元始安座光暉普極觀此國土如鏡中像天人衣裾男女形相絲髮皎露太虛空中無有纖隔玉宸大道自然大神與諸上聖無量高尊妙行真人十方化氣道品大神俱從一光徧攝法體十百千萬密如層縠回光返射容像互映明透分別了不雜亂其國天人來應證者仰看神光風馳

雲繞萬聖咸在太虛空中觀妙寂然無體元始卽於道光之內
說此玉宸大道度人之法周竟眾眞監度以授於我當此之時
喜慶難言法事旣畢諸天復位頃刻之間寂無遺響是時天人
遇值大範普獲昇度長生永存神凝氣專同而無分傾土歸仰
以道爲心無念無爲無思無營無覺無識無滅無生無起無住
無已無名言合至妙神飛紫清齊同慈愛異骨成親國安民豐
欣樂太平玉宸大道無量度人欽信悟解得道成真

道言元始天尊說經中所言並是玉宸大道上帝內名隱韻之
音亦是高眞玉清神王內諱百靈之隱名也非世上之常辭上
聖已成眞人通玄究微能悉其章誦之十過萬天敬禮千帝伏

道藏輯要

度人妙經

三

角集一

× 〇 三

聽玉京運搖海澄嶽峙三景合照七曜齊明魔魂滅種鬼爽絕
嬰邪氣肅清三元廓靜槁形白骨返生還神至學之士誦之十
過則五老監盟四帥下觀三官錄功八史外營魔王受事萬神
禮廷濟天度厄死而更生所以爾者學士心依玉宸氣合道眞
威制六天無幽不聞勅制三界招眞致靈但知玉宸不必流丹
誦詠洞文道氣入身目覩三元太上道君无極无形輕誦此經
風刀考身刻名酆山玄老呼名供養尊禮道備德興葉葉眞仙
壽命億齡萬災不干神明護門斯經尊妙獨步玉京度人無量
爲萬道之宗巍巍大梵德難可勝

道言凡誦是經十過九帝降輶諸天遙唱億會萬祖幽魂苦爽

皆卽受度上登玉宸同與九帝上奔太霄爲帝之賓至學之士
修誦是經功滿德就皆得神仙飛昇金闕成道玉宸也上學之
士修誦是經皆受護度飛昇南宮炎火之陵世人受誦則延壽
長年易骨變形得悟元皇大道自居眞神長存氣與道同去濁
流清清爲神精氣合靈津不經地獄太陰鍊形三官衛尸太一
養魂遊行虛空出入八門此經微妙普度天人已生未生皆得
受度无量之福生死蒙惠上天所寶不傳下世至士齋金寶效
心盟天而傳輕泄大道殃連祖考役使河源撻波鬼域受報北
都侍經九老日中靈童大道玉女各三十六人扶翊眞人保護
受經者身

道藏輯要

度人妙經

三

角集一

道言正月長齋誦詠是經青華帝君九光眞人爲子書名上拔
祖考億世之靈上登玉宸七月長齋誦詠是經鍊氣成神神歸
禹餘大道洪元鍊子神形身得仙眞記名寶書妙合天地永劫
無傾十月長齋誦詠是經爲帝主人王溥天之民君臣父子育
物如天好生如春福及萬方境域常寧宗緒昌衍永保長生永
鎮天下康樂昇平八節之日誦詠是經九陽梵炁俱來入身純
陽變體神氣永存本命之日誦詠是經玉宸降房大道休明魂
魄澡潔六氣內榮不罹世患卻災辟兵六天閉邪三景挾昇萬
道開通帝官奉迎刻名太微位登仙卿功滿德就飛昇上清
道言行道之日皆當香湯沐浴齋戒入室東向叩齒三十六

通上聞三十六天心拜三十六過閉曰靜思身坐青紫絳三
色雲氣之中內外翳冥有青龍白虎朱雀玄武獅子白鶴羅
列左右日月照明洞煥室內頂生圓象光映十方如此分明
密咒曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十六人關啟所言今
日吉慶長齋清堂修行至經无量度人願所啟上徹徑御
无上三十二天元始上帝至尊几前

畢

引炁三十二過東向誦經

道藏輯要

度人妙經

三

角集一

元始无量度人上品妙經

元始洞玄靈寶本章玉宸大道十合度人玄真帝書隱顯自然
玉宸之真眇眇上清若顯若晦若亡若存湛然虛寂交結紛紛
其道至妙靈化所聞洞燿九元橫帶七宸左扶豁落右掖金真
紫霄流響赤光橫奔纏變其章大道生根伏於玉京蕭羅之臺
下蟠淨靈雙池之源駢出二宮日月之門擲火萬丈掃蕩祆氛
洞陽丹華朱烟八遙灌鍊神憲崑崙九虛爛景喻霞玉神羅英
鸞御長樓玉華散開神融骨化萬氣昭諧玉宸入玄道氣成身
煥爛恍惚混極命仙道以生神氣以成形明以衛真化以敷榮
無往不至所作立成太微鍊精幽廓沉冥碧虛赤境大道元京
道藏輯要

度人妙經

三

角集一

上浮雲庭玄闕高深禹餘化氣周回十方中有豁落北台之神
中有赤精九和之君中有泥九天蓋真人中有金闕輔皇上帝
之卿中有上清三境之尊中有長生變仙之靈中有雙童流光
赤文結珠自然玉宸金真丈人太霞明堂少精綠輶圓規大有
太一召仙降福度生大化綿綿今日御景萬帝臨軒

東方无極自然神王玉宸大道無量度人

南方无極自然神王玉宸大道無量度人

西方无極自然神王玉宸大道無量度人

北方无極自然神王玉宸大道無量度人

東北无極自然神王玉宸大道無量度人

東南无極自然神王玉宸大道无量度人
西南无極自然神王玉宸大道无量度人
西北无極自然神王玉宸大道无量度人
上方无極自然神王玉宸大道无量度人
下方无極自然神王玉宸大道无量度人

十方至真自然神王長生飛景玉宸大道无量大神並乘神光
九陽之輿碧霄金根朱鸞之輦含象萬變之紱清靈洞光之蓋
赤幢蔽日瑤輪碾空各駕玄晶神狩黑甲毒龍攫天辟非變化
無窮拊須延之璈擊太霄之鼓紫烟素雲隱現萬靈天騶仗旛
大帥啟程風火合發神霞散明垂祥降禧浮空自來揚音凌虛

道藏輯要

度人妙經

卷

角集一
X888

伏魔護生上清司馬高靈總真玉宸帝司大道之神度人應仙
長生大君佩籙執符齊到帝庭上極九空神蓋之宮泥丸之分
三素流晶玄丹太甯中黃紫微上真之靈普告三元紫戶青房
烟羅雲營玉堂紫嬰伯華之神化骨之英雙童流鈴金真玉光
二景大神左轉豁落右電火鈴急催三五上清吏兵丹紋紫絡
繞帀天經顧盼飛光吸納玉城下極幽泉河瀆溟泠曲折之理
黑水內停玉女轉機金童絞繩上世玄祖考罰休停玉宸道炁
速檢號名罪籍削解業道無縈不得拘留上帝嚴刑元始符命
時刻昇遷積夜九都太溟弱淵一切魔爽寒露苦魂火鍊陰塞
焚蕩百關凶姦滅種速制酆山玉宸大道變體生仙仙鍊身度

劫劫無傾隨光引氣神池吐煙與道同生壽逾億年永度七傷
八難九厄步登天門超凌三境鳳台高軒逍遙上清上清之天
天帝元真妙空之境梵行

東方九天

玉宸梵遙天

帝玉真上華

紀樂元須天

帝大武洞尤

抱素冲寂天

帝鬱檀波田

上化重空天

帝樂化自生

九光空素天

帝遠扶仙

朱極靜修天

帝洞日芝玄

道藏輯要

度人妙經

三五

角集一

曲照含離天

帝子華琅英

崇仁德修天

帝赤珠咸和

龍胎曜華天

帝殊冥梵康

南方九天

粹華無鎮天

帝耀殿六遊

道辯冲容天

帝玉羅仲神

濯廣滋元天

帝明豫靜通

炎景耀明天

帝無色嬰

福應極真天

帝慮文次嵩

玉苑法持天

帝德夷和

定名紫元天

帝黃文臺父

上極思真天

帝十華高聰

玄龍隱羽天

帝彰德用光

西方九天

太无空洞九明天

帝耀日程家

丹回錄鎖天

帝芝元洞生

覺源赤玉天

帝回彥明宗

素明慶奉天

帝赤公伯文

皇籍度生天

帝長景羅

境陽浩稱天

帝玉神无竟

道藏輯要

度人妙經

卷

角集一

芒忽變由天

帝江生慕空

九疇質陽天

帝厯勤成

蓋車青極天

帝摩多容

北方九天

中極太素天

帝理淵躬

太上廣化天

帝醜都九離

白魂英遙天

帝波帝呵都

惠明招濟天

帝洪基蕩真

都照元陽天

帝怙江子明

亮極玄竺化靈天

帝冲範查虛

子定平无天

帝沙何耀明

易常究中天

帝玉台丞

光空百宗天

帝越景王

三十六天三十六帝玉宸隱諱玉宸隱名天中自然九空靈章
上清隱道皇極之真洞虛之尊太空之神玉京祕範大化之文
變升之格開度之靈九晶十明明堂降生玉宸大道深不可詳
豁落七眞普度天人其道至重下眞匪聞身佩五斗頭建三辰
飛神景霄和合至眞今日欣慶受度歷闕諸天刻名丹籍招眞
命仙紫度炎光氣入太玄斬絕五道夙負咸原三靈共舉五帝
同軒道成上清無拘天門東斗肇形西斗運精北斗育質南斗

道藏輯要

度人妙經

毛

角集一
X 61

降神繞身纏絡太上千眞金玉混光擲奔火靈中斗帝宮攝告
萬靈青帝授符白帝攝兵赤帝執法黑帝典刑黃帝居中萬境
保甯青天上靈玉光次明赤天上靈寶耀圓成白天上靈皓素
虛明黑天上靈太乙千精黃天上靈伯常子京五方玉宸三界
同賓騰天倒地電激雷奔周行十方下察杳冥神帥統制億萬
神兵巡山索海旌佩紛紜變化太空神機乃分敢有干前斬伐
橫吞玉宸降命驅蕩不祥蒼禽振羽長蚪列張黃神前衝赤帝
持旛射火無極大殺揚鞭八景清邈十華列言皆奉玉宸自然
至眞玄符所告鑠天輔輪誅魔滅醜火令無文萬萬千千誡絕
祇魂天獸吐毒電火噴雲速送三官檢捕無停有害正道追命

北君玉宸大道感徹帝尊雲麾羽葆上朝玉清

混劫帝歷精潛太明華芒倏變九道開生洞樓日月玄耀雙睛
內徹泥丸赤文之庭琳條結氣奔飛火鈴左淨右靈三府澄清
運用揮擊威化天京左爲金眞右爲玉光回翔八極石景中房
身登太霞位列仙王玉垣上妙道所經常九丹太微絳闕瑤房
洞空洞無洞陰洞陽非相非名非短非長流輝瓊室仰餌玄霜
骨化柔金神度天梁上賓藥淵日池龍塘太乙執綏玉女捧觴
天老持符開化無疆普授要言刻書青琅解脫九幽扶飈散烟
鳳歷赤書龍章隱篇密布五氣度人億千據衡揖魁功歸上玄
大輪運轉三十六天上通神宮九帝眞軒司馬注書太史保延

道藏輯要

度人妙經

天

角集一
卷之三

過度日月合宮蘊遷施政薦音大化綿綿包羅六虛陽景交纏
十過九周氣合三元元中太嬪碧霄飛裙七眞御合上景靈尊
玄中至陰紫闕大神神居玄丹絳臺生根雌一玉檢黃道生烟
無量度人大洞青編遊體玉華攝命帝仙風爲火偶出沒無間
梵謠激氣天聲舞玄紫雲合蔭白素回旋玉宸浮蓋校籍萬仙
一合再合自然至眞流精五色太和入身身中之眞泥丸尊神
輔卿弼仙三元帝君守護玉闕調養生元玄一老子林夫太眞
白元藥珠紫元鍊精明堂三暉玉宸度人移化就變萬氣高分
太清太極冥空上靈錦衣星裾龍袍虎文攝氣保命億聖同倫
茫茫至化妙立無垠上遊上清出入太微八景之內大有之機

下鎮人身蒼碧丹池中合五氣服御晨暉左顧右盼七祖同飛
仙貴長生生道貴真真神得道無量度人上開玄關四闢八門
中有至精泥丸夫人手攀神光身流紫雲玉宸至重道非遠神
神明得真真氣合生上清靈章列奏諸天諸天致神令子知真
三元之上各有生門中有飛神化氣之章仙王玉章辭參高真

第一下元玉宸大道碧空仙王之音

雲光沖融

霄風八道

綠輿朝旌

命駕神龍

玄海澄碧

朱旗攝魔

九天齊威

振蕩百邪

是我泥丸

靈光飛霞

流煙八道

蒼晶玉羅

道藏輯要

度人妙經

无

角集一

紫晨道成

灌氣三華

无量度人

書功帝君

元始符告

天策紀名

超離幽壤

飛度朱陵

帝庭蕭仞

化鍊形魂

第二中元玉宸大道紫洞仙王之章

暉暉紫微

眇莽八維

化形御玄

周矚靈圍

天河灌津

杓昂魁低

玉璫繁明

大珠小璣

羣星搖光

隨指帝旗

安座紫宸

流金四暉

朱煙洞開

火精飈馳

中有老人

絳章雲衣

升我玉京

下觀鬱儀

徊風煽飈

合景希夷

日童混珠

昭映中規

騰輝億境

二氣合離

道祕玉真

厥諱淵池

手執長戟

腰帶瓊蕤

左權右衡

丹蛇玄龜

賜我度人

上清同歸

第三上元玉宸大道太虛仙王歌曰

吐氣成龍

噓氣生風

嚴我神駕

蹈景飛空

日月運轉

交會無窮

不見我神

神與虛通

子問大道

道藏輯要

度人妙經

三

角集一

道何形容

殊不能知

泥丸洞樓

神蓋蔚蒼

正化興隆

養鍊爾神

鬱秀雙童

流鈴擲火

朱光九重

周行八極

天運剛淵

鍊陰滅祆

侍宸玉垣

此道玄妙

洪福綿綿

此三界之上三元宮中玉宸仙王度人之音音參洞章誦之百遍名書上清誦之千遍三元降庭萬遍道備飛昇上清治按三元萬神禮庭有聞靈音仙王保真勅制三界指策千靈永滅地官五司考神出入無難里社送迎九祖鍊化魂魄超升是謂玉晨道成至真度人無量太極簡名有祕上清文諸天共所崇泄

慢沈幽牢永謝太極翁

道言此玉宸洞章皆諸天上帝及三元仙王隱祕之音皆是大梵之言非世之常辭其言混洞其文天成故於祕妙不可思議上清所寶祕於玄都紫微上宮依玄科四萬劫一傳若有至人齋金寶質心依玉宸付授之格告盟九帝然後而傳焉

道言二儀運行亦有終起七政九宮亦有災次至真道士亦有隱顯末學之夫亦有疾傷凡有此災同氣皆當齊心修齋六時行香十徧轉經以玉宸大道祕重之力天回地轉神安鬼息福德立降消諸不祥玉宸洞文普度無窮

道言夫末學道淺或仙品未充或知行玉宸未悉道要不悟自

道藏輯要

度人妙經

三

角集一

然以心爲託墮於有數運應滅度身經太陰臨過之時同學至人爲其行香誦經十過以度屍形如法則神宮縝密泥丸堅固流鈴內煥玉宸涵光屍鍊魄滅魂神上升隨其學功計日而得更生陽火入身還其朽形靈肉布體忽然更生轉輪不惑位登高仙

道言辰申數極劫窮運否亦當修齋行香誦經黃赤改度勃蝕凌犯亦當修齋行香誦經時令勝鬱支干不和亦當修齋行香誦經國境水旱兵戈四興亦當修齋行香誦經疫癘流行鬼神害傷亦當修齋行香誦經師友命過亦當修齋行香誦經夫齋戒誦經功德甚重上消天災下消人禍保延帝王億載之壽安

甯國家以度兆民生死受賴其福難勝故曰無量普度天人
道言凡有是經能為天地帝主兆民行是功德告禮玉宸元皇
至真有願之日發心修齋燒香誦經十過皆上清記名萬神侍
衛右別至人得為聖君長生大帝玉府之臣諸天注其道功表
著玉宸疏功錄過不失毫分三元仙王亦保舉爾身得道者乃
當洞明至言也

上清天中玉宸大道隱語靈音 道君譔

元始玉章首篇

東方八天

梵天眇虛 玉會婁京 玉明帝剛

道藏輯要

度人妙經

三

角集一
川上三

華達宛須 明落智圓 昧孤成圖

柏大除極 涓罔茂禺 翳勤煩宛

提定玄謨 卓景浩澄 玉曰高蘇

圭華驅邪 辯流瓊胡 文殿正利

猛鄙員都 月津凝輝 光神洞珠

南方八天

京廚差會 紫律夷余 注極爛炎

招來牛堅 猛火極回 素道懷然

古真元冲 氣淵龍崇 剛嚴鵲益

駕聿乘容 乾知挺格 冥治呼玄

玉羅京屏 都開度軒 九命沙摩

緣鏐緣連 升行周度 秦廣交纏

西方八天

斗胃亢泰 紫流衍盧 擎河赤蹊

轉止聞于 無極耿爛 厯塊扶羅

天旌皓精 眇神煥都 帝厯卯室

眞丙西徂 懋覺月印 池澄求浮

道希采利 正質滋延 憑通溟海

淵力徒虛 鑒淨極越 四洞蘭儲

北方八天

道藏輯要

度人妙經

三

角集一

稼元索靈 聽孤自幾 遲齒日紀

丘華綸維 火炎飈舉 馳兆圓時

命籍綠荆 秀符偃稽 陀諸號育

慶舒景扉 一式玉垣 依衍彌希

箕侍句尾 臻童黨持 彥度清靈

雲銜紫移 風禁寂傳 太玄竟奇

道言此上清天中玉宸大道君之隱文玉帝所祕无量之音舊
文書太空華蓋紫微垣上境綠字蟠屈廣長一丈天真皇人昔
書其文以正天音有知其音能齋而誦之者上清諸天皆遣三
元仙王玉宸萬眞下鑒子身書其功勤上奏諸天四司凜節九

宮拜迎心未通悟但誦其文仙王保任飛升玉京遊宴洞陽高
奔紫庭此音玉宸大道之章無所不感無所不明無所不鎮無
所不營三元用之無所不神天真上帝自然至真之音也故誦
之則八素合景神光映形泥丸之中森列萬神玄真大君告子
以妙道也日誦此經耳聰目明髮毀更生自然契玄金真玉光
徧繞爾身神宮振暢萬氣歸真千聖降霞道海明清无極開濟
大量玄玄也

道藏輯要

度人妙經

卷一

角集一